

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 6 NOVEMBER 2013, PUKUL 10.00 PAGI

Bil. 34

PERTANYAAN-PERTANYAAN BAGI JAWAB LISAN

1. PR-1313-L58140
Tuan Che Mohamad Zulkifly bin Jusoh [Setiu] minta **MENTERI PENDIDIKAN** menyatakan bilangan sekolah yang telah mencapai Sekolah Berprestasi Tinggi (SBT) sehingga kini dan nyatakan langkah Kementerian bagi meningkat pencapaian Sekolah Menengah Tahfiz seperti Sekolah Menengah Imtiaz di Terengganu sebagai SBT memandangkan terdapatnya pengetua yang bukan daripada kategori guru (DG).
2. PR-1313-L57179
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan pindaan cuti bersalin bilakah akan dapat dibuat dan pindaan kelahiran 5 orang anak dalam Akta Kerja 1955 itu turut dipinda.
3. PR-1313-L58992
Puan Mas Ermieyati binti Samsudin [Masjid Tanah] minta **MENTERI TENAGA, TEKNOLOGI HIJAU DAN AIR** menyatakan status pencapaian inisiatif-inisiatif kecekapan tenaga yang dilaksanakan dalam Program Transformasi Ekonomi (ETP) yang dilancarkan pada tahun 2011.
4. PR-1313-L58023
Tuan Sim Tong Him [Kota Melaka] minta **MENTERI KESIHATAN** menyatakan kedudukan terkini projek "*Genetic Aedes Mosquito*" yang dilaksanakan oleh Kementerian untuk mencegah wabak denggi. Berapa kos yang telah dibelanjakan untuk projek ini dan adakah ia telah berjaya mengurangkan ancaman wabak denggi. Berikan butiran-butiran tentang kesannya.
5. PR-1313-L58086
Dato' Ir. Haji Nawawi bin Ahmad [Langkawi] minta **PERDANA MENTERI** menyatakan apakah langkah Kerajaan untuk mengurangkan GINI Index.

6. PR-1313-L58819
Puan Hajah Zuraida binti Kamaruddin [Ampang] minta **MENTERI PEMBANGUNAN WANITA, KELUARGA DAN MASYARAKAT** menyatakan berapa bilangan ibu tunggal, orang kurang upaya (OKU) dan warga emas di Malaysia, termasuk mereka yang berdaftar dan tidak berdaftar dengan Jabatan Kebajikan.
7. PR-1313-L58834
Datuk Koh Nai Kwong [Alor Gajah] minta **MENTERI PERDAGANGAN ANTARABANGSA DAN INDUSTRI** menyatakan status Pelaksanaan Pasukan Petugas Khas Pemudahcara Perniagaan (PEMUDAH) di peringkat negeri bagi menangani isu berkaitan kecekapan dan keberkesanan sektor awam dan swasta yang merentasi kedua-dua peringkat persekutuan dan negeri yang dilancarkan sejak enam tahun lalu dan keberkesanannya dalam meningkatkan kualiti hidup rakyat.
8. PR-1313-L57742
Tuan Nga Kor Ming [Taiping] minta **PERDANA MENTERI** menyatakan apakah status terkini cadangan pembinaan *High Speed Railway (HSR)* di antara Kuala Lumpur ke Singapura dan berapakah kos yang akan terlibat demi menjayakan projek ini.
9. PR-1313-L57595
Tuan Haji Mohd Fasiah bin Haji Mohd Fakeh [Sabak Bernam] minta **MENTERI KEWANGAN** menyatakan setakat manakah komitmen Kerajaan terhadap pelaksanaan perbankan Islam di negara ini dan nyatakan langkah Kerajaan bagi menjadikan Malaysia sebagai peneraju kewangan Islam di peringkat global.
10. PR-1313-L58464
Tuan Chua Tian Chang @ Tian Chua [Batu] minta **MENTERI DALAM NEGERI** menyatakan sila senaraikan jumlah kes pencabulan kanak-kanak untuk sepuluh tahun yang lalu berdasarkan negeri dan usia mangsa. Apakah langkah-langkah yang diambil oleh Kementerian untuk mengatasi masalah yang semakin teruk ini.
11. PR-1313-L58157
Dato' Seri Reezal Merican bin Naina Merican [Kepala Batas] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan status terkini prestasi Malaysia di dalam bidang "*intellectual property*". Berdasarkan laporan International Property Rights Index 2013; Malaysia berada di kumpulan 2 (di kedudukan 33 daripada 131 buah negara). Apakah perancangan masa hadapan MyIPO dan Kementerian.
12. PR-1313-L58693
Tuan Ignatius Dorell Leiking [Penampang] minta **PERDANA MENTERI** menyatakan rancangan dan tindakan-tindakan yang akan diambil oleh Kerajaan untuk menghapuskan rasuah dan mengapa Kerajaan tidak memberi kuasa pendakwaan kepada Suruhanjaya Pencegahan Rasuah Malaysia (SPRM).

13. PR-1313-L58790
Tuan Liang Teck Meng [Simpang Renggam] minta **MENTERI TENAGA, TEKNOLOGI HIJAU DAN AIR** menyatakan apakah langkah-langkah dan usaha yang dilakukan Kementerian untuk meningkatkan kesedaran awam terhadap teknologi hijau.
14. PR-1313-L58969
Tuan Nik Mohamad Abduh bin Nik Abdul Aziz [Pasir Mas] minta **PERDANA MENTERI** menyatakan faktor-faktor kritikal yang mesti diperkemas dalam pelaksanaan undang-undang kawalan dan sekatan pengembangan agama bukan Islam.
15. PR-1313-L57381
Datuk Juslie bin Ajirol [Libaran] minta **MENTERI KEMAJUAN LUAR BANDAR DAN WILAYAH** menyatakan di bawah Rancangan Malaysia ke-10, setakat mana program infrastruktur asas di Sabah, terutama di Parlimen Libaran meliputi bekalan air luar bandar, bekalan elektrik luar bandar, jalan perhubungan desa dan program bantuan rumah.
16. PR-1313-L57294
Tuan Oscar Ling Chai Yew [Sibü] minta **MENTERI SUMBER ASLI DAN ALAM SEKITAR** menyatakan jumlah permukaan hutan asli yang tidak pernah ditebang di Sarawak dan di seluruh Malaysia. Selepas pembinaan 12 HEP empangan oleh Kerajaan Negeri Sarawak, berapa jumlah hutan asli akan hilang. Apakah usaha Kementerian untuk memelihara hutan asli di Malaysia.
17. PR-1313-L58170
Dato' Wira Othman bin Abdul [Pendang] minta **MENTERI KEWANGAN** menyatakan :-
 - (a) apakah langkah-langkah Kementerian bagi membantu MAS untuk meningkatkan keuntungan selain dari menaikkan tambang; dan
 - (b) bagaimana MAS akan mengatasi masalah perbelanjaan mengurus yang agak tinggi kerana mempunyai ramai pengurus dan pengurus kanan.
18. PR-1313-L57914
Tuan Gooi Hsiao-Leung [Alor Setar] minta **PERDANA MENTERI** menyatakan sama ada Kerajaan akan meminda undang-undang berkenaan untuk mendapat maklum balas pihak-pihak berkepentingan seperti Majlis Peguam dan Parlimen apabila melantik dan "*promote*" Hakim-Hakim dalam negara.

19. PR-1313-L58739
Tuan Haji Zainudin bin Ismail [Jelebu] minta **PERDANA MENTERI** menyatakan :-
- (a) secara terperinci pada masa ini berapakah bilangan syarikat bumiputera dan jenis barangan yang dibekalkan yang telah dilantik menjadi pembekal barangan ke kedai Mesra di stesen minyak PETRONAS seluruh negara; dan
 - (b) apakah kriteria dan cara pemilihan yang diguna pakai oleh PETRONAS bagi melantik pembekal-pembekal tersebut.
20. PR-1313-L57544
Tuan Lim Kit Siang [Gelang Patah] minta **PERDANA MENTERI** menyatakan apakah langkah-langkah yang sedang diambil untuk meningkatkan keberkesanan dan peranan SUHAKAM untuk melaksanakan tanggungjawab undang-undangnya untuk mempertahankan dan mempromosikan hak asasi manusia di Malaysia.
21. PR-1313-L57954
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) Program Dagangan Khas dalam usaha mencergaskan semula eksport negara di tengah-tengah ketidaktentuan ekonomi dunia; dan
 - (b) namakan konglomerat bertaraf dunia yang bakal menyertai Program Dagangan Khas ini.
22. PR-1313-L58789
Puan Hajah Fuziah binti Salleh [Kuantan] minta **MENTERI KOMUNIKASI DAN MULTIMEDIA** menyatakan justifikasi kepada tindakan Kerajaan melalui Perbadanan Kemajuan Filem Nasional (FINAS) membiayai separuh daripada bajet bernilai hampir RM5 juta dibelanjakan untuk menghasilkan filem Tanda Putera.
23. PR-1313-L57846
Datuk Ahmad Jazlan bin Yaakub [Machang] minta **MENTERI SUMBER MANUSIA** menyatakan status terkini pengambilan pembantu rumah warga asing khususnya warga Indonesia bagi memenuhi keperluan pembantu rumah di negara ini dan nyatakan langkah Kementerian bagi mengurangkan penggantungan kepada warga asing sebagai pembantu rumah dengan sebaliknya menyediakan latihan khusus bagi menggalakkan warga tempatan bekerja sebagai pembantu rumah.
24. PR-1313-L58548
Tuan Wan Hasan bin Mohd Ramli [Dungun] minta **MENTERI PENDIDIKAN** menyatakan kenapa Projek Cyber School yang dijalankan di Terengganu pada tahun 2008 tidak mencapai matlamatnya dan berapakah jumlah yang telah dibelanjakan oleh Kerajaan untuk projek berkenaan.

25. PR-1313-L58275
Dato' Ikmal Hisham bin Abdul Aziz [Tanah Merah] minta **MENTERI PERTAHANAN** menyatakan adakah Kementerian bercadang untuk mengkaji gaji pegawai dan anggota Angkatan Tentera Malaysia yang dikatakan lebih rendah daripada gaji pegawai dan anggota Polis Diraja Malaysia.
26. PR-1313-L58637
Tuan Manivanan a/l Gowindasamy [Kapar] minta **MENTERI PENDIDIKAN** menyatakan :-
- (a) bilakah pelajar-pelajar yang belajar di Mesir akan dibenarkan pulang kembali ke Mesir untuk melanjutkan pelajaran mereka dan langkah-langkah keselamatan yang akan diberikan kepada mereka; dan
 - (b) adakah pelajar-pelajar berkenaan diberi keutamaan dan dibenarkan untuk menyambung pelajaran mereka di institusi-institusi pengajian tinggi tempatan seandainya mereka ingin berbuat sedemikian demi masa depan mereka.
27. PR-1313-L57620
Datuk Aaron Ago anak Dagang [Kanowit] minta **MENTERI PENDIDIKAN** menyatakan langkah-langkah yang akan diambil oleh Kementerian bagi menaik taraf dan meningkatkan prestasi sekolah SKM di luar bandar Sarawak.
28. PR-1313-L58435
Tuan Teo Kok Seong [Rasah] minta **MENTERI LUAR NEGERI** menyatakan secara terperinci jumlah perbelanjaan yang dibelanjakan oleh setiap Pejabat Perwakilan Malaysia dan Kedutaan Besar Malaysia di luar negara sejak tahun 2004-2013 berdasarkan tahun dan negara.
29. PR-1313-L57146
Dr. Ismail bin Daut [Merbok] minta **MENTERI PENDIDIKAN** menyatakan mengenai pusat-pusat tuisyen yang tumbuh bagai cendawan yang didapati sebilangan besar tenaga pengajarnya adalah guru-guru sekolah. Keadaan ini sedikit sebanyak akan menjejaskan penumpuan guru-guru terlibat pada kerja-kerja hakiki mereka. Apakah langkah-langkah kawalan yang telah dan akan diambil.
30. PR-1313-L58851
Tuan V. Sivakumar [Batu Gajah] minta **PERDANA MENTERI** menyatakan langkah-langkah Kerajaan yang khusus untuk membantu kaum India meningkatkan ekuiti 3 peratus. Berapakah daripada kalangan kaum India diberi bantuan TEKUN dan mikro kredit dari tahun 2008 hingga September 2013, nyatakan dalam nilai kewangan berbanding dengan jumlah keseluruhan.

31. PR-1313-L57806
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KOMUNIKASI DAN MULTIMEDIA** menyatakan bagaimanakah Kementerian memastikan tahap berita di Malaysia adalah setaraf dengan berita antarabangsa yang lain seperti CNN dan Al-Jazeera.
32. PR-1313-L57618
Tuan Sim Tze Tzin [Bayan Baru] minta **MENTERI KOMUNIKASI DAN MULTIMEDIA** menyatakan jumlah perbelanjaan yang digunakan untuk segala aktiviti penjenamaan 1Malaysia sejak 2009 sehingga sekarang. Namakan konsultan yang digunakan dan jumlah yang dibayar kepada konsultan.
33. PR-1313-L57365
Tuan Haji Ahmad Nazlan bin Idris [Jerantut] minta **MENTERI SUMBER MANUSIA** menyatakan bilangan ADTEC dan ILP di seluruh negara dan apakah langkah-langkah yang dapat diambil oleh Kerajaan dalam membantu pelatih-pelatih dari institusi berkenaan untuk terlibat dalam sektor perindustrian serta rakyat di Jerantut memohon agar ADTEC di Jerantut dapat menerima kemasukan pelajar pada Januari 2014.
34. PR-1313-L57862
Dato' Othman bin Aziz [Jerlun] minta **MENTERI PERTANIAN DAN INDUSTRI ASAS TANI** menyatakan nisbah bekalan baja kepada petani tanaman padi antara pembekal tempatan dan luar negara. Apakah langkah yang diambil oleh Kementerian bagi mengurangkan kebergantungan ke atas bekalan import bagi mengurangkan kos input pertanian.
35. PR-1313-L58374
Dato' Dr. Nik Mazlan bin Nik Mohamad [Pasir Puteh] minta **MENTERI PERTANIAN DAN INDUSTRI ASAS TANI** menyatakan adakah pengeluaran padi negara sudah mencukupi untuk keperluan negara. Adakah bantuan subsidi yang diberikan itu dapat meningkatkan pengeluaran negara sehingga kita dapat menjadi negara pengeksport dan adakah subsidi ini sampai kepada golongan yang disasarkan.
36. PR-1313-L58526
Tuan Wong Ling Biu [Sarikei] minta **MENTERI PENDIDIKAN** menyatakan sama ada Kerajaan mempunyai niat untuk menggabungkan sekolah-sekolah rendah yang mempunyai kekurangan murid terutama sekolah-sekolah yang beraliran Bahasa Cina. Apakah rasional dan tujuan Kerajaan Pusat untuk menggabungkan sekolah-sekolah yang berkurangan murid.
37. PR-1313-L58423
Dato' Johari bin Abdul [Sungai Petani] minta **MENTERI KERJA RAYA** menyatakan :-
- (a) namakan syarikat-syarikat yang diberikan konsesi untuk menyelenggarakan jalan-jalan persekutuan di seluruh negara; dan
 - (b) adakah Kerajaan berpuas hati dengan prestasi mereka, jika tidak apakah tindakan yang bakal diambil.

38. PR-1313-L57813
Tuan Er Teck Hwa [Bakri] minta **MENTERI DALAM NEGERI** menyatakan senarai kawasan hitam kemalangan di jalan raya, persimpangan dan lebuh raya mengikut kawasan Parlimen. Berapakah kematian, kecederaan, dan tidak melibatkan kecederaan dan kemalangan serta jenis kenderaan yang terlibat dari tahun 2008-2013.
39. PR-1313-L58602
Tuan Mohamed Hanipa bin Maidin [Sepang] minta **MENTERI PENDIDIKAN** menyatakan Kerajaan menubuhkan sekolah Menengah di kawasan Olak Lempit dan Jenderam Hilir bagi kemudahan penduduk di sana.
40. PR-1313-L57761
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan perincian nilai terkini liabiliti luar jangka (*contingent liabilities*), senarai syarikat yang mendapat pinjaman atau bon terbitan mereka serta nilai atau jumlah pinjaman dan terbitan bon.
41. PR-1313-L57439
Dr. Hajah Siti Mariah binti Mahmud [Kota Raja] minta **MENTERI DALAM NEGERI** menyatakan jumlah PATI yang tidak dapat diputihkan dalam Program 6P dan apakah tindakan seterusnya ke atas kumpulan ini.
42. PR-1313-L57194
Dr. Che Rosli bin Che Mat [Hulu Langat] minta **PERDANA MENTERI** menyatakan syarikat-syarikat swasta yang mengendalikan pengurusan Jemaah Haji bagi tahun 2013 dan kuota yang diperolehi oleh setiap syarikat.
43. PR-1313-L57694
Dato' Ngeh Koo Ham [Beruas] minta **MENTERI PERTANIAN DAN INDUSTRI ASAS TANI** menyatakan bantuan-bantuan yang dijanjikan oleh Kerajaan untuk diberikan kepada nelayan-nelayan untuk meringankan beban mereka apabila harga diesel naik daripada RM1.25 seliter ke RM1.45 seliter.
44. PR-1313-L58522
Tuan Chong Chieng Jen [Bandar Kuching] minta **MENTERI PERDAGANGAN ANTARABANGSA DAN INDUSTRI** menyatakan apakah terjadi kepada janji yang dibuatnya untuk menurunkan import duti dan eksais duti atas kereta selepas Pilihan Raya Umum ke-13.
45. PR-1313-L57483
Tuan Jeff Ooi Chuan Aun [Jelutong] minta **MENTERI DALAM NEGERI** menyatakan apakah pencapaian Ops Cantas Khas setakat ini. Berikan bilangan senjata api yang dikebas, orang perseorangan dan ahli-ahli geng jenayah yang diberkas serta dihukum. Adakah Malaysia kini lebih selamat daripada ancaman jenayah.
46. PR-1313-L57237
Dato' Seri Anwar bin Ibrahim [Permatang Pauh] minta **MENTERI KEMAJUAN LUAR BANDAR DAN WILAYAH** menyatakan cadangan terperinci SUHAKAM berkenaan hak-hak orang asal dan sejauh mana penerimaan Kerajaan terhadap cadangan-cadangan tersebut.

47. PR-1313-L57230
Dato' Mansor bin Othman [Nibong Tebal] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan usaha-usaha yang dilakukan oleh Kementerian untuk membudayakan gerakan koperasi di seluruh negara.
48. PR-1313-L58354
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan :-
- (a) kedudukan kewangan 1MDB untuk tahun berakhir Mac 2013, termasuk pendapatan, keuntungan, nilai aset dan baki pinjaman; dan
 - (b) kedudukan projek Tun Razak Exchange dan Bandar Malaysia.
49. PR-1313-L58047
Puan Teresa Kok Suh Sim [Seputeh] minta **PERDANA MENTERI** menyatakan kelayakan Eugene Teh sebagai Pengarah Transformasi PDRM. Kenapakah Kerajaan melantik seorang yang tiada kepakaran dalam bidang sistem keadilan dan pengurusan jenayah untuk mengetuai bahagian program transformasi ini.
50. PR-1313-L58000
Dato' Wira Mohd Johari bin Baharom [Kubang Pasu] minta **MENTERI PENDIDIKAN** menyatakan apakah pihak Kementerian berpuas hati dengan prestasi Kesusasteraan Melayu berasaskan kepada penulisan dan penerbitan karya-karya sastera yang dilakukan oleh pihak DBP. Apakah tindakan yang telah diambil oleh Kementerian terhadap Sasterawan Negara yang telah mempersendakan bendera negara sempena Sambutan Hari Kemerdekaan ke-56 lalu.
51. PR-1313-L58297
Datuk Jumat bin Idris [Sepanggar] minta **MENTERI PENDIDIKAN** menyatakan :-
- (a) apakah usaha Kementerian untuk mengatasi masalah kekurangan bilangan guru di negeri Sabah khususnya di kawasan pedalaman; dan
 - (b) apakah usaha Kementerian untuk membantu graduan anak tempatan Sabah daripada bidang pendidikan untuk mendapat tempat dalam jawatan perguruan di negeri ini.

52. PR-1313-L57349

Puan Nurul Izzah binti Anwar [Lembah Pantai] minta **MENTERI PENDIDIKAN** menyatakan :-

- (a) senarai nama-nama yang telah di senarai pendek bagi tujuan pemilihan naib-naib cancellor universiti-universiti awam sejak 2000; dan
- (b) kriteria pemilihan yang melayakkan lantikan ke jawatan tersebut serta rasional pemilihan naib-naib cancellor memandangkan kejatuhan pencapaian universiti-universiti awam Malaysia.

ATURAN URUSAN MESYUARAT DAN USUL-USUL

1. (D.R. 21/2013) **Rang Undang-undang Perbekalan 2014 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(31 Oktober, 2013)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (31 Oktober, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |

- | | | | |
|-----|----------------|--|---|
| 6. | (D.R. 18/2013) | Rang Undang-undang Pertaruhan Pool
(Pindaan) 2013 | “ |
| | | [Menteri Kewangan] | |
| 7. | (D.R. 15/2013) | Rang Undang-undang Lambang dan Nama
(Mencegah Penggunaan Tak Wajar)
(Pindaan) 2013 | “ |
| | | [Menteri di Jabatan Perdana Menteri] | |
| 8. | (D.R. 10/2013) | Rang Undang-undang Kanun Tatacara
Jenayah (Pindaan) 2013 | “ |
| | | [Menteri di Jabatan Perdana Menteri] | |
| 9. | (D.R. 12/2013) | Rang Undang-undang Keterangan
(Pindaan) 2013 | “ |
| | | [Menteri di Jabatan Perdana Menteri] | |
| 10. | (D.R. 19/2013) | Rang Undang-undang Fi (Jabatan Muzium
Malaysia) (Pengesahan) 2013 | “ |
| | | [Menteri Pelancongan dan Kebudayaan] | |
| 11. | (D.R. 20/2013) | Rang Undang-Undang Dadah Berbahaya
(Pindaan) 2013 | “ |
| | | [Menteri Kesihatan] | |

12. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar.

Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

“Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden.”

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

“Bahawa Dewan ini mendebatkan dasar dan langkah untuk menangani kemalangan jalan raya di negara ini.”

(Menteri Pengangkutan)